



Նոր

ՃՐՄԱԳ

Զ.Տարի : Թիւ 4

Եռամսեայ թերթիկ

Հոկտեմբեր 2020

Հրատարակութեամբ

Հ.Մ.Ը.Մ. Ալմելո Մեկուսի շրջանի վարչութիւն



ՀԱՂԹԵԼՈՒԹԵՆՔ



#ARTSAKHSTRONG
#RecognizeArtsakh

WITH OUR
SOLDIERS



#ՄԵՆՔԱՐՑԱԿՆԵՆՔ

ԴԺՈՒԱՐ ՔՆՆՈՒԹԻՒՆԸ

(Խմբագրական ՄԱՐԶԻԿ-ի թիվ 416-417-ի)

Քոլորին նման, Հ.Մ.Բ.Մ. եւս անցնող ամիսներուն անցաւ Քորոնայի համաճարակի դժուար քննութենէն: Քորոնան յեղաշրջեց մարդկային կեանքը, ընկերային յարաբերութիւններն ու ազգային-միութենական առօրեան: Քորոնայէն վերջ կեանքը չի նմանիր Քորոնայէն առաջուան կեանքին:

Սկսած ենք ապրիլ առցանց քաղաքակրթութեան օրերը, մեր ետին ձգելով համաշխարհայնացումի ժամանակաշրջանը, որ աշխարհը վերածած էր մեծ գիւղի, իսկ ժողովուրդները՝ գիւղի բնակիչներուն: Այժմ գիւղ գրեթէ գոյութիւն չունի: Բնակիչներ չկան: Աշխարհագրութիւնը իր տեղը զիջած է ցանցային անընդունալի ուստայնին, ուր բնակիչները Zoom-ի, WhatsApp-ի, Google meet-ի եւ կամ Microsoft team-ի սովորական թիւեր են: Կեանքը առաւելաբար կ'ընթանայ անոնց ճամբով, ժամանակի եւ միջավայրի անցեալէն տարբեր մօտեցումներով:

Կ'ապրինք ժամանակաշրջանի մը մէջ, ուր դիմացողը խելացին չէ, զօրաւորը չէ, այլ՝ ան որ կրնայ ընտելանալ օրուան փոփոխութիւններուն: Ան, որ քսակի հարստութենէն աւելի մտքի հաստունութիւն ունի: Յարմարող է, ճկուն եւ ստեղծագործ:

Հ.Մ.Բ.Մ. անցաւ համաճարակի քննութենէն եւ անգամ մը եւս փաստեց, որ ան կը մնայ բոլոր ժամանակներու եւ պայմաններու մէջ գործելու ատակ միութիւնը, որովհետեւ ամէն հանգրուանի ան գիտէ ինչպէ՛ս իր առաջնահերթութիւնները վերադասաւորել, կացութիւններու պատշաճիլ եւ ըստ այնմ շարքերը կենսունակ պահել:

Համաճարակի օրերուն, առաջնահերթութիւնները փոխուեցան, կարիքները՝ նոյնպէս: Հարկ եղաւ հասնիլ կարիքաւորին, ծերին եւ հիւանդին: Անհրաժեշտ դարձաւ տունը «բանտարկուած» անգործ մարդուն աջակիցը ըլլալ, իր բախտին լքուած անտէր ծերունիին կողքին կանգնիլ եւ խնամքի կարօտ պատանիին հոգեմտաւոր սնունդ հայթայթել:

Հ.Մ.Բ.Մ.ի «կամաւոր բանակ»ը հասաւ բոլորի՛ն. տեղ մը օժանդակութեան ծրարներով սննդեղէն բաշխեց ընկերային անապահով ընտանիքներու, այլուր հաց եւ դեղ հասցուց ծերունիներու, մէկ այլ շրջան օրհնուած մաս բաժնեց եկեղեցի յաճախելու կարելիութենէն զրկուած հաւատացեալներու, իսկ քիչ մը ամէն տեղ դաստիարակչական առցանց ծրագիրներով պատանիները իրեն կապեց եւ ազգային-միութենական առողջ մթնոլորտի մէջ պահեց:

Քորոնան անակնկալ էր, ինչպէս բոլորին, նաեւ Հ.Մ.Բ.Մ.ին համար, որ աւելի քան մէկ դարէ ի վեր իր աշխատանքները յառաջ կը տանէր սկաուտական հաւաքավայրերու եւ մարզադաշտերու մէջ: Ժողովները կը կատարէր ակումբներու, իսկ ընկերային հանդիպումները՝ սրահներու մէջ: Համաճարակը անկարելի դարձուց այդ բոլորը, հրամայական դարձնելով փոխընտրանքներու որոնումը:

Լուծումը չուշացաւ, որովհետեւ սկաուտական եւ մարզական միութիւն մը ըլլալով հանդերձ, Հ.Մ.Բ.Մ. հարուստ էր արդի արհեստագիտութեան եւ հաղորդակցութեան միջոցներուն տիրապետող երիտասարդ տարրերով: Հ.Մ.Բ.Մ. ունէր համահայկական իր կառոյցին պատշաճող արհեստագիտական պատասխանատու մարմին, որ դեռ տասնամեակ մը առաջ, ռազմավարական իր ծրագիրին մէջ յատուկ բաժին նախատեսած էր առցանց աշխատանքներու եւ, այնուհետեւ, 2014-ին, գործակցութեան յուշագիր մը կնքած էր համաշխարհային «Կուկրլ» ընկերութեան հետ՝ արհեստագիտական անոր ծառայութիւններէն օգտուելու համար:

Այնպէս որ, արհեստագիտական «զենքերը» պատրաստ էին: Պատրաստ էին նաեւ զանոնք օգտագործողները: Անակնկալի գործօն չէր մնացած: Ահա թէ ինչո՛ւ, համաճարակի առաջին օրէն Հ.Մ.Բ.Մ. շատ դիւրին եւ արագ կարողացաւ իր գործունէութիւնը փոխադրել առցանց հարթակ, պահելով ոգին՝ փոխելով ձեւն ու միջոցները:

Կը բաւէ արագ ակնարկ մը նետել միութեան անցնող ամիսներու առցանց գործունէութեան զանազան երեսներուն վրայ, հաստատելու համար, որ համաճարակի նախազգուշական աշխատանքներէն մինչեւ հետեւանքներու դէմ պայքարը, Ապրիլեան եւ Մայիսեան ոգեկոչումներէն մինչեւ Ծուշիի ազատագրման տօնախմբութիւնները, մայրերու եւ հայրերու օրուան նշումները, եւ դեռ՝ ընկերային տեսակաւոր առցանց ծրագիրները ինչքա՛ն ուշագրաւ եւ կարեւոր նորութիւններ բերին միութեան: Ինչքա՛ն խանդավառութիւն ստեղծեցին իրենց շուրջ:



Ու գարմանայի չէ, որ ընկերային հեռաւորութեան օրերուն, ժամանակի եւ տարածութեան բոլոր խոչընդոտները յաղթահարելով, Հ.Մ.Ը.Մ.ի առցանց աշխատանքները յաջողեցան իրարու մօտեցնել աշխարհի չորս ծագերուն ապրող քոյրերն ու եղբայրները, շնորհիւ անբացատրելի այն կապուածութեան, ջերմութեան եւ հարազատութեան, որոնցմով ամերիկահայն ու սուրիահայը, ֆրանսահայն ու լիբանանահայը, աւստրալահայն ու հայրենի հայը կը դառնան անքակտելի մէկ ամբողջութիւն:



Կը դառնան մէկ եւ միեւնոյն նպատակի նուիրեալներ, գիտակից՝ իրենց կոչումին եւ հաւատարիմ՝ նախորդներու առաքելութեան, մկրտուած Հ.Մ.Ը.Մ.ի գաղափարական նոյն աւագանին մէջ եւ կնքուած ազգին ու հայրենիքին ծառայութեան միեւնոյն դրոշմով:

Այս արդէն Հ.Մ.Ը.Մ.ի բովանդակ պատմութեան մեծագոյն դասն է. իւրաքանչիւր քննութենէ դուրս գալ նո՛ր փորձառութեամբ եւ նո՛ր յաջողութեամբ, քիչ մը աւելի զօրացած եւ շատ աւելի հայացած:

Զորոնայի քննութեան արդիւնքն ալ տարբեր չէր կրնար ըլլալ:
Ու չեղա՛ւ:

ԼՈՅՍ ՏԵՍԱԻ

**Հ.Մ.Ը.Մ.Ը ԲՈՐՈՆԱՅԻ
ՀԱՄԱՃԱՐԱԿԻ ՕՐԵՐՈՒՆ
(ԱՌՑԱՆՑ ԱՇԽԱՏԱՆՔՆԵՐ,
ՄԱՐՏԱՅՐԱՒԷՐՆԵՐ)**

#ԵսՄնումեմՏանը
որ բոլորս նորից
ժպտանք

#ԵսՄնումեմՏանը
որ բոլորս նորից
դպրոց գնանք



ՀԱՄԱ-Հ.Մ.Ը.Մ.ԱԿԱՆ ՍԿԱՈՒՏԱԿԱՆ
ԽՄԲԱՊԵՏԱԿԱՆ ԱՌՑԱՆՑ ՀԱՄԱԳՈՒՄԱՐԻՆ
ԱՇԽԱՏԱՆՔՆԵՐԸ ԸՆԹԱՑՔ ԱՌԻՆ

Հ.Մ.Ը.Մ.ի Կեդրոնական Վարչության
կազմակերպությամբ, Շաբաթ, 25 Յուլիս 2020-ի յետմիջօրեին
ընթացք առին համա-Հ.Մ.Ը.Մ.ական սկաուտական
խմբապետական առցանց համագումարին աշխատանքները,
մասնակցությամբ միութեան Շրջանային եւ Մեկուսի 27
շրջաններու եւ Իրանի «Արարատ», «Սիփան» եւ «Նայիրի»
միութիւններու 70 բարձրաստիճան խմբապետներու:

Համագումարի բացման աշխատանքներուն հետեւեցան
Հ.Մ.Ը.Մ.ի Կեդրոնական Վարչության անդամներ,
Համաշխարհային Սկաուտական Շարժումի Եւրոասիական
տարածաշրջանի կոմիտէի նախագահը, սկաուտական գիրքերու
եւ «Արարատեան» կարգի աշխատանքային խմբակներու
անդամներ, «Մարզիկ» պաշտօնաթերթի խմբագրութեան
ներկայացուցիչը եւ Հ.Մ.Ը.Մ.ի Կեդրոնական Վարչության
տեղեկատուական արհեստագիտութեան յանձնախումբի
մասնագէտներ, ընդամենը՝ 85 մասնակիցներ:

Համագումարը նախատեսուած էր գումարել այս օրերուն
(26 Յուլիսին) Գիւմրիի մէջ, սակայն Քորոնայի համաճարակը
շրջեց այդ կարելիութիւնը եւ զայն փոխադրեց առցանց հարթակ:

Բացման նիստը, որ ուղղակի հեռաւիժուեցաւ Հ.Մ.Ը.Մ.ի
ղիմատետրի էջով, սկսաւ առցանց՝ Հայաստանի եւ Հ.Մ.Ը.Մ.ի
քայլերգներու ներկայացումով:

Հ.Մ.Ը.Մ.ի Կեդրոնական Վարչության սկաուտական
աշխատանքներու պատասխանատու Թալին Օրտողլեան բարի
գալուստ մաղթեց մասնակիցներուն եւ անդրադարձաւ



անցեալին կատարուած սկաուտական խմբապետական համագումարներու կարեւորութեան եւ ընդգծեց, որ «Այս համագումարն է, որ պիտի գծէ Հ.Մ.Ը.Մ.ի սկաուտութեան գալիք տարիներու տեսլականը»:

Օրտոդլեան մատնանշեց, որ Հ.Մ.Ը.Մ.ի Կեդրոնական Վարչութիւնը հաւատալով համագումարին ունեցած կարեւորութեան եւ շրջանցելով Քորոնայի համաճարակին համաշխարհային դժուարութիւնը, ինչպէս նաեւ մեկնակետ ունենալով «սկաուտական կեանքը աշխոյժ պահելն ու կարգ մը աշխատանքներու ծրագրումը կատարելու հեռանկարը՝ կազմակերպեց առցանց այս հաւաքը, քաջ գիտնալով որ ան չի կրնար փոխարինել ֆիզիքական ներկայութեամբ կատարուած համագումար մը»:

Կեդրոնական Վարչութեան պաշտօնական խօսքը փոխանցեց ատենապետ Վաչէ Նաճարեան:

Նաճարեան իր ողջոյնի խօսքէն ետք անդրադարձաւ համագումարին աշխատանքին, որուն միջոցով «Բարձրաստիճան խմբապետներուն իրաւունքը կը տրուի երիտասարդներու ձայնը հասցնելու միութեան ամենէն բարձր մարմնին եւ ժողովին»: Նաճարեան ներկայացուց համագումարին նպատակները եւ շեշտեց, որ համագումարը «Պիտի հաստատէ Հ.Մ.Ը.Մ.ի երկրորդ 100-ամեակի սկաուտական աշխատանքներուն ուղեգիծը, եւ խմբապետները իրենց փորձառութեամբ ու գիտելիքներով մասնակից պիտի դառնան միութեան ապագայ ուղիին մշակման»:

Իր կարգին, Համաշխարհային Սկաուտական Շարժումի Եւրոասիական տարածաշրջանի կոմիտէի նախագահ Բագրատ Եսայեան ողջունեց ժողովն ու ժողովականները: Ան այսօրուան ժամանակաշրջանը համեմատեց շուրջ 25 տարի առաջուան պայմաններուն՝ Արցախեան ազատամարտի շրջանին, երբ հայկական բոլոր կառոյցները համախմբուած էին հայրենիքի շուրջ: Ան ընդգծեց, որ այսօր եւս նման պայմաններ կը տիրեն Հայաստանի Հանրապետութեան մէջ, ու հաստատեց որ նորահաս սերունդին մօտ հայկական ինքնութեան պահպանման գործին մէջ կարեւոր ընելիք ունի Հ.Մ.Ը.Մ.ը, ու իր ունեցած պատմական յաջող փորձառութիւնը այսօր եւս ան ի գործ կը դնէ մեր ժողովուրդին համար՝ յանձնառութեամբ եւ պատասխանատուութեամբ տէր կը կանգնի մեր ժողովուրդին, հայրենիքի դրօշը բարձր պահելով:

Այնուհետեւ, համագումարի մասնակիցներուն իր բարեմաղթութիւններն ու ողջոյնի խօսքը փոխանցեց Համաշխարհային Սկաուտական Բիւրոյի ընդհանուր քարտուղար Ահմատ Հընտաուի, որ մեծապէս գնահատեց Հ.Մ.Ը.Մ.ը եւ դժուար պայմանները յաղթահարելով յառաջ երթալու մղեց բոլորը:





Պաշտոնական խօսքերու աւարտին, համագումարի աշխատանքներու վարիչ Թալին Օրտողեան ներկայացուց բացման նիստին օրակարգն ու ընթացքը: Ապա, ան ներկայացուց համագումարին մասնակիցները՝ Հ.Մ.Ը.Մ.ի Կեդրոնական Վարչութեան անդամներ եւ աշխատանքային խմբակներու ներկայացուցիչներ:

Օրակարգի առաջին կէտով, Հ.Մ.Ը.Մ.ի Կեդրոնական Վարչութեան տեղեկատուական յանձնախումբի ներկայացուցիչ Վահէ Շահինեան՝ Գանատայէն, ներկայացուց խմբապետական առցանց ֆորումի ստեղծման մանրամասնութիւնները:

Յաջորդեց կարճ դադար մը, որմէ ետք՝ առցանց երկրորդ նիստով մասնակից շրջաններու խմբապետները փառլոր փոյններով ներկայացուցին իրենց շրջաններու սկաուտական աշխատանքները, թիւերը, դժուարութիւններուն ու ապագայի ծրագիրները:

Չորս ժամուան նիստերէ ետք, համագումարին մասնակիցները բաժնուեցան աշխատանքային երեք խմբակի, որպէսզի յառաջիկայ երկու շաբթուան ընթացքին առանձնաբար քննարկեն Հ.Մ.Ը.Մ.ի սկաուտութիւնը յուզող հիմնական հարցեր եւ Շաբաթ, 8 Օգոստոսին, նոր նիստերով ներկայացնեն եւ բոլորին կողմէ հաստատեն իրենց ներկայացուցած բանաձեւերն ու առաջարկները:


ԶՕՐԱԿՑՈՒԹԻՒՆ

ՀԱՅԿԱԿԱՆ ԲԱՆԱԿԻՆ


Համագումարի բացման նիստերու քննարկումներէն ետք, մասնակիցները իրենց զօրակցութիւնը յայտնեցին հայկական յաղթական ու քաջարի բանակին, որուն գոյութիւնը նկատեցին ամուր երաշխիք մեր հայրենիքի ապահովութեան ու անկախութեան, իսկ անոր սխրանքները ներշնչող օրինակ՝ Հ.Մ.Ը.Մ.ի «կամաւոր բանակ»ին:

ՀԱՄԱ-Հ.Մ.Ը.Մ.ԱԿԱՆ ԽՄԲԱՊԵՏԱԿԱՆ ԱՌՑԱՆՑ ՀԱՄԱԳՈՒՄԱՐԻՆ ՓԱԿՈՒՄԸ

Շաբաթ, 25 Յուլիսին մեկնարկած համա-Հ.Մ.Ը.Մ.ական խմբապետական առցանց համագումարին աշխատանքները իրենց աւարտին հասան Շաբաթ, 8 Օգոստոսին, ներկայութեամբ Հ.Մ.Ը.Մ.ի Կեդրոնական Վարչութեան ղիւանին, սկաուտականի ներկայացուցիչներուն եւ 54 խմբապետ-խմբապետուհիներու՝ միութեան 27 շրջաններէ եւ Իրանի «Արարատ», «Նայիրի» եւ «Սիփան» միութիւններէն:



Նիստին բացումը կատարեց Հ.Մ.Ը.Մ.ի Կեդրոնական Վարչութեան սկաուտական ներկայացուցիչ քոյր Թալին Օրտողեան: Մասնակցողները ողջունելէ ետք, քոյրը փոխանցեց փակման նիստի օրակարգին մանրամասնութիւնները: Ան գնահատեց խմբապետներուն բժախնդիր եւ լուրջ մօտեցումը համագումարի աշխատանքներուն: Ան ըսաւ, որ այս համագումարին ներկայացուած առաջարկները պիտի փոխանցուին Կեդրոնական Վարչութեան՝ առ ի քննութիւն եւ հաստատում:




Յայտնենք, որ 25 Յուլիսի բացման նիստէն ետք, համագումարին մասնակից խմբապետները բաժնուած էին աշխատանքային երեք խմբակի: Խմբակները մինչեւ 8 Օգոստոս ունեցան իրենց առանձին նիստերը՝ քննարկելու իրենց վստահուած նիւթերը եւ այդ ուղղութեամբ իրենց առաջարկները ներկայացնելու փակման նիստին: Խմբակներուն մէջ մնայուն ներկայութիւն էին Կեդրոնական Վարչութեան սկաուտականի ներկայացուցիչները՝ քոյր Թալին Օրտողեան (Ա. Խմբակ), եղբայրներ Ֆէտի-Խաժակ Գազանճեան (Բ. Խմբակ) եւ Օշին Փիրումեան (Գ. Խմբակ):

ԱՇԽԱՏԱՆՔԱՅԻՆ ԽՄԲԱԿՆԵՐՈՒ /ԶԵԿՈՒՑՈՒՄՆԵՐԸ

Փակման առցանց նիստին առաջին խմբակին կողմէ զեկուցումներ ներկայացուցին Գանատայէն եղբայր Արուշ Պէրպէրեան եւ Արեւմտեան Միացեալ Նահանգներէն քոյր Դալար Գալստեան: Անոնք նշեցին, որ իրենց խմբակը քննած է սկաուտական «Արարատեան» կարգի ծրագիրին բովանդակութիւնը եւ անոր գործադրութեան եղանակն ու միջոցները: «Վկայեալ» կարգի պարագային, խմբակը Կեդրոնական Վարչութենէն կը խնդրէ կազմակերպել դասընթացքներ այն շրջաններուն համար, որոնք կարելիութիւնն ու կարողութիւնը չունին այս կարգին ծրագիրը իրագործելու, որպէսզի իրենք եւս յառաջիկային «Արարատեան» կարգի թեկնածու խմբապետներ ունենան:


Պերպերեան եւ Գալստեան ապա ներկայացուցին խմբակին կողմէ բանաձեւուած առաջարկները:

Աշխատանքային երկրորդ խմբակին անունով խօսք առաւ Հ.Մ.Ը.Մ.-Հ.Ա.Ս.Կ.էն եղբայր Գեորգ Օհանեան: Եղբայրը ըսաւ, որ իրենց խմբակը քննարկած է 2022-ի ամբան նախատեսուած համա-Հ.Մ.Ը.Մ.-ական 12-րդ ընդհանուր բանակումին կապուած առաջարկներ: Ան ըսաւ, որ խմբապետները քննած են նաեւ Բիրականի բանակավայրին մէջ անհրաժեշտ նկատուող բարեփոխումները, որոնք կրնան նպաստել բանակումին յաջողութեան: Ապա, եղբ. Գեորգեան ներկայացուց խմբակին բանաձեւուած առաջարկները:



Երրորդ խմբակին անունով զեկուցեց Գանատայէն քոյր Սարին Քէօսէեան: Ան ըսաւ, որ իրենց խմբակը քննարկած է Հ.Մ.Ը.Մ.ի սկաուտութեան տեսլականը, ինչպէս նաեւ համաշխարհային սկաուտական կառոյցին մէջ անոր դերակատարութիւնը: Քոյրը ըսաւ, որ խմբակը անդրադարձած է նաեւ համաշխարհային սկաուտութիւնը յուզող հարցերուն, որոնք կ'առնչուին նաեւ Հ.Մ.Ը.Մ.ին: Զեկույցի աւարտին, Քէօսէեան ներկայացուց իր խմբակին առաջարկները:

Երեք խմբակներու զեկուցումներէն ետք, խմբապետներուն առիթ տրուեցաւ լուսաբանական հարցումներու եւ այլ առաջարկներու ներկայացման:



ՄԿԱՌԻՏԱԿԱՆԻ ՆԵՐԿԱՅԱՅՈՒՑԻՉ

ԵՂԲԱՅՐՆԵՐՈՒՆ ԽՕՍՔԵՐԸ


Այնուհետեւ, խօսքեր արտասանեցին Հ.Մ.Ը.Մ.ի Կեդրոնական Վարչութեան սկաուտականի ներկայացուցիչներ՝ եղբայրներ Օշին Փիրումեան եւ Ֆէտի-Խաժակ Գազանճեան: Փիրումեան խմբապետներուն յորդորեց, որ ինչ որ այս համագումարէն ստացան՝ օգտագործեն եւ կիրարկեն իրենց շրջաններուն եւ մասնաճիւղերուն մէջ: Փիրումեան աւելցուց, որ ինք մտաւոր չէ միութեան սկաուտական ապագայով, որովհետեւ գիտէ թէ ինչպիսի՝ խմբապետներ կ'առաջնորդեն զայն: Եղբ. Գազանճեան, իր կարգին, խմբապետներուն ըսաւ, որ իրենք են իրենց շրջաններու գերադաս խմբապետները եւ իրենց ուսերուն կ'իյնայ աշխատանքներու զիսաւոր պատասխանատուութիւնը: Իրենցմէ կախեալ է իրենց շրջաններու սկաուտական աշխատանքներուն յաջողութիւնն ու ձախողութիւնը եւ այդ գիտակցութեամբ է, որ իրենք պէտք է տէրը ըլլան այդ պատասխանատուութեան:

Համագումարին խօսք առաւ նաեւ Հ.Մ.Ը.Մ.ի Կեդրոնական Վարչութեան արհեստագիտական բաժինի գործավար եղբայր Շանթ Տէմիրճեան, որ ներկայացուց խմբապետական նորաստեղծ առցանց ֆորումը եւ զայն օգտագործելու ձեւը



ԿԵԴՐՈՆԱԿԱՆ ՎԱՐՉՈՒԹԵԱՆ ՓԱԿՄԱՆ ԽՕՍՔԸ

Համագումարին փակման նիստին Կեդրոնական Վարչութեան խօսքը փոխանցեց ատենապետ եղբայր Վաչէ Նաճարեան: Ան նախ գնահատեց մասնակից խմբապետները, որոնք երեք շաբթուան ընթացքին մասնակցեցան առցանց նիստերուն եւ քննարկեցին կարելոր հարցեր: Եղբ. Նաճարեան շեշտեց, որ խմբապետները պարտաւոր են նոյն մթնոլորտը, արծարծուած հարցերը, առաջարկներն ու լուծումները փոխանցել իրենցմէ ստորադաս աստիճանաւորներուն, որպէսզի անոնք եւս իրազեկ դառնան եւ օգտուին կատարուած աշխատանքէն:



ԿԱԶՄԱԿԵՐՊԻՉ ՄԱՐՄՆԻՆ ԽՕՍՔԸ

Աւարտին, քոյր Թալին Օրտողլեան ըսաւ, որ համագումարը այսօր կ'աւարտի, սակայն աշխատանքը հիմա՝ է որ կը սկսի, որովհետեւ եթէ վերջակէտը համագումարի փակումով ըլլայ՝ անոր արդիւնքները չենք քաղեր: Իւրաքանչիւր մասնակցողի իսկական աշխատանքը փակումէն վերջն է, որ պիտի սկսի իր շրջանին մէջ, ուր ան ինքզինք պիտի արժեւորէ եւ արդիւնաւէտ գործունէութիւն ունենայ:

Առցանց համագումարը աւարտեցաւ «Յառաջ նահատակ» քայլերգով:





Embassy of Armenia in The Netherlands/ Նիդերլանդներում ՀՀ դեսպանություն

@armembhague · Consulate & Embassy

-12 Յուլիս 2020

Հ.Մ.Ը.Մ նոր շենքի հիմնարկերի արարողություն

Մ. թ հուլիսի 11-ին դեսպանության 2-րդ քարտուղար Դ. Միրզախանյանը Նիդերլանդների հայաշատ Ալմելո քաղաքում մասնակցեց Հ.Մ.Ը.Մ նոր շենքի հիմնարկերի արարողությանը: Խորհրդանշական 5 հիմնաքարերից մեկը տեղադրելուց հետո Դ. Միրզախանյանը ՀՀ դեսպանության և դեսպան Տ. Բալայանի անունից ողջունեց հավաքվածներին՝ շնորհավորելով նիդերլանդահայությանն այդ նշանակալի իրադարձության կապակցությամբ:

Իր խոսքում Դ. Միրզախանյանը մասնավորապես խոսեց Հ.Մ.Ը.Մ 102-ամյա առաքելության անշեղ ընթացքի և միության կողմից իրանանացվող հսկայական աշխատանքների մասին՝ նշելով, որ քաջատեղյակ է այդ ամենին դեռևս նախորդ արտերկրյա դիվանագիտական ծառայության տարիներից, երբ նշանակված է եղել Լիբանանում ՀՀ դեսպանությունում, որտեղ շուրջ 3 տարի մարզվել է Հ.Մ.Ը.Մ Անթիլիասի Նիկոլ Ադրայան կենտրոնում:

Դ. Միրզախանյանը բարի երթ մաղթեց հոմենթմենականներին՝ հույս հայտնելով, որ կենտրոնը կդառնա հայ պատանիների և երիտասարդների առօրյա կյանքի մասը և նրանց ամենասիրելի հաճախվող վայրերից մեկը:



ՀՄԸՄ Լիբանան

Հաղորդագրություն



ՀՄԸՄ-ի Լիբանանի շրջանային վարչությունը յառաջացուցած է յատուկ մարմին մը որ կը հետեւի եւ կը հետապնդէ Օգոստոս 4, 2020ին տեղի ունեցած Պեյրութի նաւահանգիստի պայթումին պատճառով ՀՄԸՄ-ականներու վնասուած բնակարաններու, վիրաւորներու եւ կամ զոհերու ցանկագրումը:

Այս գծով շրջանային վարչությունը առաջին իսկ օրէն արժեւորեց շրջանային վարչութեան կեդրոնէն ներս գտնուող բոլոր սենեակներու ինչպէս նաեւ ՀՄԸՄ-ի Հայր Պօղոս Արիս մարգարաշտի վնասները, կատարեց պէտք եղած նախնական մաքրութիւնը, ՀՄԸՄ-ի կեդրոնական վարչութեան դիւանի անդամներուն հետ այցելութիւններ տուաւ ՀՄԸՄ-ի մասնաճիւղերու վնասուած ակումբները, գետնի վրայ ստուգելու համար աղէտին պատճառած վնասներուն:

Հարկ է յիշել որ ՀՄԸՄ-ի Լիբանանի սկաուտները առանց վարանումի եւ «միշտ պատրաստ» նշանաբանին հաւատարիմ , շրջաններու ՀՅԴ մարմիններու հետ գործակցելով եւ մասնաճիւղերու վարչութիւններու հովանաւորութեամբ, ներկայ էին ու օժանդակութեան ձեռք երկարեցին աղէտէն վնասուած հայահոծ շրջանները՝ շատ անգամներ մաքրելու աշխատանքներուն միանալով եւ կամ ուստեստէլէն բաժնելով: Իսկ շրջանային սկաուտական խորհուրդի եւ խմբապետութեան նախաձեռնութեամբ՝ Կիրակի, 16 Օգոստոս 2020ին, Սուրբ Աստուածածնի տօնին առթիւ ՀՄԸՄ-ի Լիբանանի սկաուտները բաժնեցին օրհնուած խաղողի ողկոյզներ, Մար Մխայէլի, Ժեթաուիի, Էշրէֆիէի եւ Պուրճ Համուտի հայորդիներու բնակարանները:

ՀՄԸՄ եղած է ու կը մնայ պատնէշի վրայ ինչ որ ալ ըլլան պայմաններն ու տիրող կացութիւնը փորձելով հասնիլ կարիքաւորներուն:

ՀՄԸՄ-ի Լիբանանի Շրջանային Վարչություն





Embassy of Armenia in The Netherlands/ Նիդերլանդներում ՀՀ դեսպանությունն

@armembhague · Consulate & Embassy

Հայաստանի և Նիդերլանդների դեսպանների այցելություն Ալմեյդ

Հուլիսի 28-ին Նիդերլանդներում Հայաստանի դեսպան Տիգրան Բալայանը և Հայաստանում Նիդերլանդների նորանշանակ դեսպան Նիկո Սխերմերսը այցելեցին հայաշատ Ալմեյդ քաղաք:

Դեսպանները Ալմեյդի հայ առաքելական եկեղեցում հանդիպում ունեցան եկեղեցական խորհրդի անդամների և եկեղեցում կից գործող կառույցների՝ կիրակոսյա դպրոցի, երգչախմբի ղեկավարների հետ՝ եկեղեցական խորհրդի ատենապետ Օնիկ Գելիջիի գլխավորությամբ:

Ողջունելով դեսպան Սխերմերսին Ալմեյդի հայկական եկեղեցում և նիդերլանդահայ կառույցների հետ նրա հանդիպումների շարքը, Տիգրան Բալայանն շեշտեց, որ կարևոր ավանդույթ է ձևավորվում, րեբ Հայաստան մեկնելուց առաջ արտերկրյա դեսպանները հանդիպումներ են անցկացնում իրենց երկրի հայ համայնքների՝ նրանց ծրագրերին և ակնկալիքներին ծանոթանալու և համատեղ նախագծեր քննարկելու նպատակով: «Որքանով տեղյակ եմ, Ձեզնից առաջ միայն Հայաստանում ԱՄՆ նորանշանակ դեսպաններն են մեկնելուց առաջ հանդիպումներ ունենում հայ համայնքային կառույցների ներկայացուցիչների հետ, ուստի եվրոպական երկրների մեր գործընկերների համար այս փորձը կարող է օրինակելի լինել», ասաց դեսպան Բալայանը:

Այնուհետև դեսպաններ Բալայանն ու Սխերմերսը շրջայց կարատերեցին եկեղեցում և հարակից տարածքում, ապա հանդիպում ունեցան Ալմեյդի ՀՄԸՄ, ՀԲԸՄ, ՀՕՄ և Նիդերլանդների Հայ դատի հանձնախմբի ներկայացուցիչների հետ: Նիդերլանդների դեսպանին ներկայացվեց Ալմեյդի հայ համայնքի պատմությունը, գործունեությունը, քաղաքացի զարգացման գործում ներդրումը:

Ալմեյդում դեսպանները քննարկում ունեցան նաև Ալմեյդ-Էջմիածին համագործակցության հանձնախմբի անդամների հետ:

Դեսպանների օրակարգում էր նաև Ալմեյդի հայ գործարարների հետ հանդիպումը, որի ընթացքում մտքեր փոխանակվեցին Հայաստանում գործունեություն ծավալելու ուղիների և այդ հարցում դեսպանությունների կողմից աջակցության շուրջ:



Այցելութիւն

28-Յուլիս -2020



Ալմելո քաղաքի մէջ , Հայաստանի հանրապետութիւնում Նիդերլանդների նորանշանակ լիազօր դեսպան՝ պարոն Նիկո Սիւերմերսը հանդիպում մը ունեցաւ շաբթ մը Հոլանտահայ միութիւններու ներկայացուցիչների հետ:

ՀՄԸՄ Ալմելո կը ներկայացներ եղբայր Բաֆֆի Թերզեանը, ուր ներկայացուց նորանշանակ Դեսպանին ՀՄԸՄԻ արաքելութիւնը եւ ընդհանուր նպատակները Նիդերլանդների մէջ եւ ի մասնաւորի Ալմելո քաղաքի մէջ. Եղբայրը նաեւ ներկայացրեց ՀՄԸՄ ընտանիքի կառոյցը, նշելով « ՀՄԸՄ կը գտնէք ամենուրեք ուր հայկական սփիւռք կա , բայց եւ նաեւ Հայաստանի մէջ»:

Աւարտին , եղբ Թերզեանը Նորանշանակ դեսպանին մաղթեց արդիւնաւետ աշխատանք Հայաստանի մէջ , յուսալով որ նա անպայման առիթը կը գտնէ հանդիպելու Հայաստանի մէջ մեր ՀՄԸՄ-ական եղբայրներու եւ քոյրերու հետ:

Նորանշանակ դեսպանին հրաւիրել էր Ալմելոյի Հայ Առաքելական եկեղեցւոյ վարչութեան ատենապետ պարոն Օնիկ Գելիշին. Զրոյցին ներկայ էին Նիդերլանդներում Հայաստանի հանրապետութեան լիազօր դեսպան՝ պարոն Տիգրան Բալայանը, Նեդրլանդների ՀՅԴ Հայ դատի յանձնախմբի , Նիդերլանդների Հայ Օգնութեան Միութեան, եւ Հոլանտայի Հայ Բարեգործական Միութեան ներկայացուցիչները:





Homenetmen Almelo
Հ.Մ.Ը.Մ. Ալմելո

Homenetmen Almelo is
hoping and praying
that our brothers and
sisters in Lebanon stay

safe in these difficult times
May God protect you all.



ՄԻ՛ՇՏ ՊԱՏՐԱՍ,
ՄԻ՛ՇՏ ԶԵՐ ԿՈՂԵԻՆ

ԱՄԷՆ ՄԻՆ ԻՐ ՍԱՐԴԱՐԱՊԱՏԻՆ:

Տաւուշեան սահմանագծին մեր տղերքն հազիւ թէ քուն տեսած ունին:

Մոսկուայի հայ ազնիւ առետրականը թէ պարզապէս շարժավարը՝ ժամ ետք պատահելիքի տազնապը կապրի:

Լիբանան աշխարհի շատով փոթորկած առօրեան, ալ հազիւ թէ դիմագրաւուի :

Մեծ յաղթանակով հանդերձ հայուն գալիք օրերն հազիւ թէ լաւատեսութեամբ դիմաւորուին:

Այնուհետեւ Հոլանտահայ Ալմելոն ինք իր աննկուն պայքարին է, Սարդարապատին է:

Հոլանտա կոչուած շատով եւրոպական «Արշակաւանի» մէջ, հայուն հոգուն տաքուկ անկիւնի շինարարականին է:

Այդ համայնակով իրականութեան գիրկն իր ցիրուցան գաւակների մէկտեղման ու փրկութեան աշխատանքին է:

Հայն հայով ծաղկեցնելու, բեղմնաւորելու ահաւոր, «ապերախտ ու կոյր» աշխատանքին է:

ՎԵՐՋԱՊԵՍ Հոդ են վերցրած, քար են բերած, վարդապետ, ատենապետ գործի են կոչած, Հ.Հ ի հիւպատոս են հրաւիրած, ձեռքն մուրձ են տուած ու այդ օտար հողին գիրկն, հայկական զօրանոցի հիմնարկէք են հեղինակած:

Անկեղծ ասած, ես սա Ալմելոյէն լուր չունէի:

Մի երկու առթիւ Ալմելոն, Առնէհեմը շատով իրար խառնածն էի:

Ընդհանրապէս Հոլանտա թէ հայութիւն՝ իմ մօտն համընկնած չունէին:

2012 ին ի Կիպրոս կայացած ՀԱՄԱՀ.Մ.Ը.Մ ական դիւանային հանդիպման մըն էր որ հանդիպեցայ սա ինձ նորութիւն, Ալմելոլահայերին :

Մարդիկ էին որոնք թէւ Եւրոպայի անունով կը խօսէին, բայց շատով կը յիշեցնէին Պաղտատը, Գահիրէն Պէյրութը, վերջապէս օրհնեալ արեւելքը:

Մարդիկ էին որոնք թէւ քսան տարու եւրոպական աւանդ ունէին, բայց ոչնչով՝ ոչ ոգիով, ոչ աշխարհահայեացքով, ոչ, նկարագրով ոչ իսկ խօսակցականով կը տարբերուէին աւանդապաշտ իրաքահայից՝ սիրեհայից, լիբանանահայից, կածէս երէկ միայն գտած ըլլային Ամստերտամեան Սոթոմ Գոմորը:

Արդարեւ չկար անոնց մօտ, ոչ «հելլոն» ոչ «պոնճուրը» ոչ «քալիսմերասը»՝:

Վերջապէս ուղղակի մերժումն էին ողջ արեւմուտքին ու տակաւին ազգայնաշունչ խորանը արեւելքին:

Ու սա մարդիկն այսօր իրենց սուրբ պայքարին են:

Սա մարդիկ Հ.Մ.Ը.Մ ի առաւել մասնաճիւղի շէնքի՝ համազգային հիմնարկին շինարարականին են :

Սա մարդիկն տակաւին մեզ մեր կամքից իսկ անկախ պարտադրուած հայապահպանման պայքարին են:

Տակաւին ամէն մի գիտակից ու հպարտ հայուն բաժին ընկած Սարդարապատին են:

Թէկուզ շատն պիտի ուզէի որ սա ամէն մի քարն ու հիմնաքարն իր տեղն գտնէր Շուշիում Գարնիում մինչեւ Կովսականում, այնուհետեւ

ԼԱԻՆ ԳԻՏԵՄ ՈՐ ՍՓԻԻՌՔԵԱՆ ՏԱՐԱԾՔԻՆ ՄԵՐ ՇԱՏՆ ԻՐ ԻՐԱՅԱՏՈՒԿ

ՍԱՐԴԱՐԱՊԱՏԻՆ Է ՈՒ ՊԱՅՄԱՆ Է ՈՐ ԱՆ ՅԱՂԹԱՆԱԿԷ, ՔԱՆԶԻ ՄԵՐ ԱՄԷՆ ՄԷԿԻ

ՅԱՂԹԱՆԱԿՆ ԱՌԱՋԻՆ ԹԷ ՎԵՐՋԻՆ ՀԱՇՈՒՈՎ ԸՆԶԻՒՂՈՒԵԼՈՒ Է ՀԵՐՈՍԱԿԱՆ

ՏԱԻՈՒՇ



30 Հոկտեմբեր 2020 թ.ին տեղի ունեցավ սկսումական Ալմելո քաղաքի (MFA Eninver) մարզադաշտին մէջ միութեան սկսումներու վերամուտ: միութեան սկսումական աշխատանքները 2020-2021 տարեշրջանը սկիզբ արավ 90 սկսումներով

19 Մուկիկ

13 Արծուիկ

12 Գալիկ

15 Արի

9 Արեւուշ

7 Երեւ

12 Պարմանուհիներ

Սկսումական հերթական ժողովները տեղի կունենան ամսուայ 2-րդ եւ 4-րդ Կիրակի օրերը ըստ ծրագրուած ժամանակացոյցով

HomeNetmenalme / Հ.Մ.Ը.Մ. Ալմելո
Homenemalme
Homenetmenalmeoscouting@gmail.com

-27 Սեպտեմբեր 2020 թ.ին Տեղի ունեցավ Հ.Մ.Ը.Մ. Ալմելո մեկուսի շրջանի Երեւ – Պարմանուհիներու փոխանցման արարողութիւն (Լուսանկարներ)



- 20 Սեպտեմբեր 2020 Թ.ին Հաճեղի օր մեր սկաուտների
հետ միասին Ալմեյո քաղաքի starworldenschede
մարզավայրին մեջ:





Նոր կեդրոնի շինարարությունը կը շարունակուի
Հուլիսին հիմնաքարը դնելէ ետք, օգոստոսին մեկնարկեց ՀՄՀՄ
Ալմէլօ-ի նոր կեդրոնի շինարարությունը :
Հիմքերը եւ յատակը արդեն իրականացուած են :
Մօտ օրերուն կսկսին սիւներու տեղադրումը :





Հայտարարություն՝ Նիդերլանդների Հայկական Երիտասարդական Կազմակերպությունների:

Սեպտեմբերի 27-ի վաղ առավոտյան Ադրբեջանը սանձազերծեց Նոր պատերազմ Արցախի հետ շփման գծի ողջ երկայնքով, հարվածելով նաև խաղաղ բնակչության բնակավայրերին: Այս առիթով Թուրքիան հայտարարեց իր անվերապահ աջակցությունը Ադրբեջանին: Հայկական կողմը տվեց համարժեք պատասխան: Մենք՝ Նիդերլանդների երիտասարդական միությունները և կազմակերպությունները, հայտարարում ենք հետևյալը՝

Մենք Հայոց բանակը տեսնում ենք որպես Հայաստանի Հանրապետության և Արցախի Հանրապետության անվտանգության միակ երաշխիք, և մեր զորակցությունը և աջակցությունն ենք հայտնում Հայոց փառապանծ բանակին և հպարտանում ենք իրենց հաղթանակներով և մաքառումներով: Միաժամանակ նշենք, որ սփյուռքում ապրելով, տվյալ երկրի օրենքները հարգելով, խաղաղ ճանապարհով հայկական դատը առաջ ենք մղելու, ամրագրելու ենք մեր Հայրենիքի և բանակի հաղթանակները օտար երկրներում՝ քաղաքական և դիվանագիտական ճանապարհով:

Որպես երիտասարդություն ողջունում ենք տարիներ շարունակ Համայնքի կողմից շարունակական և հետևողական աշխատանքները Հայոց Ցեղասպանության և Արցախի ճանաչման վերաբերյալ, և կարևորում ենք այս աշխատանքների մեջ միասնական կեցվածք դրսևորելու սկզբունքը ազգային հարցերի շուրջ:

Դատապարտում ենք Ադրբեջանի կողմից սանձազերծված պատերազմը Արցախի շփման գծի երկայնքով և խաղաղ բնակչության նկատմամբ, ինչպես նաև Թուրքիայի կողմից հայտարարած իր անվերապահ աջակցությունը Ադրբեջանին:

Մեր կոչն է մեր սերնդակիցներին՝ քույրերին և եղբայրներին մասնակցել Ադրբեջանի և Թուրքիայի դեմ կազմակերպված ցույցերին և մեր ձայնը լսելի դարձնել Նիդերլանդների կառավարությանը և խորհրդարանին, քանի որ Նիդերլանդների Թագավորությունը իր կարևոր տեղը պետք է ունենա միջազգային հարաբերությունների և խնդիրների կարգավորման գործընթացի մեջ: Միաժամանակ կոչ ենք անում մեր երիտասարդ հայրենակիցներին գերծ մնալ շփման գծի լարվածությունը Նիդերլանդներ տեղափոխելու Ադրբեջանի և Թուրքիայի սադրանքներին տրվելուց:





Մարզական


Մարզական լուրեր



Մեպտեմբերին մեկնարկեց 2020-2021 KNVB ի ֆութպոլի տեղային մրցակցութիւնը : Ինչպէս ամէն տարի աս տարի եւս միութեանս ֆութպոլի խումբը կը մասնակցի աս մրցակցութեանը : Ստորեւ կայացած խաղերու արդիւնքները :

1- Homentmen Almelo	vs	tegen partij 1	(7 - 10)
2-Homentmen Almelo	vs	EBZV 85	(3 - 1)
3-Homentmen Almelo	vs	Bentelo	(5 - 5)







ԲՈՎԱՆԴԱԿՈՒԹԻՒՆ

- ⇒ Դժուար քննությունը.
- ⇒ Համա-Հ.Մ.Ը.Մ.-ական խմբապետական առցանց համագումար. (աշխատանքները ընթացք առին)
- ⇒ Համա-Հ.Մ.Ը.Մ.-ական խմբապետական առցանց համագումար. (Փակումը).
- ⇒ Հ.Մ.Ը.Մ նոր շէնքի հիմնարկէքի արարողություն (Հ.Հ.դեսպանատուն).
- ⇒ Հ.Մ.Ը.Մ. Լիբանան (Հաղորդագրություն).
- ⇒ Հայաստանի և Նիդերլանդների դեսպանների այցելություն Ալմելո.
- ⇒ Այցելություն.
- ⇒ Ամէն մին իր Սարդարապատին .
- ⇒ Սկսուտական վերամուտ.
- ⇒ Երէջ – Պարմանուհիներու փոխանցման արարողություն .
- ⇒ Հանելի օր starworldenschede-ի մէջ.
- ⇒ Նոր կեդրոնի շինարարությունը.
- ⇒ Հայտարարություն .
- ⇒ Մարզական.
- ⇒ Բովանդակություն

Կայք էջ . Website : homenetmenalmelo@yahoo.nl

Facebook : [Homenetmen Almelo / ՀՄԸՄ Ալմելո](#)

Instagram  : [homenetmenalmelo](#)

Առաջարկներու համար կը խնդրուի կապ հաստատել homenetmenalmelo@yahoo.nl ու/